



Газет 2001-йисан
ноябрдилай акъатзава

*РД-дин Докъузпара райондин общественно-политический газет.
Общественно-политическая газета Докузпаринского района РД.*

Эренлардин СЕС

№19 (1105) 10-май, арбе, 2023-йис. Газетдин са экз. кьимет киоскрай - 15 манат

Гьуьрметлу Ватандин Чехи дяведин ветеранар, фронтдин далу пата зегьмет члугурбур ва райондин агьалияр!

Квез советрин халкъди Ватандин Чехи дяведа чехи гьалибвал къачурдалай инихъ 78 йис тамам жезвай экуь сувар мубаракрай! Гьалибвилдин йикъа чи риклер зурба шадвилдин ва дамахдин гьиссерив ацурзава. Гьа са вахтунда ам къазанмишайбурун, Ватан патал чанар къурбанд авурбурун тлал чи риклера секин жезвач. Къенин йикъан ислягьвал советрин аскердин ян тагудай къастуни, сергьятсуз къадарда Ватандал къарувили, ругьдин къуватди арадал гьана, къазанмишна ва къени мягьмемдиз хуьзва. Гьалибвилдин Югь-вири несилрин шадвилдин Югь я. Алай вахтунда жуван халкъдин тарих чирун ва ам хуьн иллаки важиблу я. Чехи иредар хьун-къакъан намуслувилдин кар я.

Чехи бубайрин игитвилдин тарих чан алаз ва са клусни къацур тавуна хуьн чи буржи я. Ватандин аслу туширвал патал чанар къурбанд авурбуруз мидаим баркалла! Абур чи риклера амукьда! Къенин йикъан гьакъикъатда чехи несилди члугур къван хажалатар, инсансузвилдин синагьар «Жуван хамуналди гьисс авун» чаз четин я. Фикир це садра, немсерихъ дуьньяда виридалайни хьсан танкарин, бомбардировщикрин, минометрин чешнеяр авай. Европадин вири санайиди фашистрин техникадал алахъна къвалахзавай. Немсерин дяведин зурба улакь советрин аскердин виклегьвили ва жуьрэтди, халкъарин мягькем дуствили, клеви ватанпересвилдин ерийри тергна.

Чи чехи бубайриз чизвай абур чпин дидеяр, папар, аялар къутармишзавайди. Гьавилай Ватан хуьн патал чанарни къурбанд ийизвай. Чун



гьалиб хьана, вучиз лагьайтла, чи аскерди гранат гьиле аваз душмандин танкунал гьужумна, вучиз лагьайтла, хирер хьанвай аскерри дяведин чуьл гадарнач. Гьатта чпин суьрет акьалтлайла, чи аскерри душман къундахдалди ягъиз хьана, летчикри чпин самалетар душмандин самолетра акьурна, радистри хабар гузвай: «цай жувалди къачузва».

Чун гьалиб хьана, вучиз лагьайтла, машинистри пуд суткайралди ял ягъун авачиз эшелонар тухузвай. Рабочийри ичли чкайрал станокар эцигиз, вахчузвай, ахпа къвалахдик кьил кутазвай. Вучиз лагьайтла, дишегьлийри, жегьилри чпиз каш гузвай, амма фронт недай – хьвадай суьрсетдалди →

таъминарзавай. Чна фронтдин далу пата хъайи зегъметчийрин, чкланвай уълкве харалпайрин дуьндай акъудайбурун зегъметдин кьегъалвилер рикел хкизва. Чна женгерин чуъллера кьейибурун экуь къаматдин вилик, кьилер агъузна, икрамзава. Баркалла Квез! Куь

женгерин нетижайри, кьегъалвилери чаз ислягъ девирар кечирмишдай мумкинвилер гана. Куьне дуьнья фашизмдин милли тегъуьндикай, миллетбазвикай хуьдай кьайдаяр чирна. Чехи Гъалибвал къазанмишунин

крарик шерик хъайи Квехъ чанарин мягъкем сагъламвилер, гъиле кьунвай краа, мурадра гъар са рекъяй агалкъунар хъурай! Чехи Гъалибвилин сувар мубаракрай!

Мегъамед Шамилов,
"Докъузпара район" МР-дин Къил.

Гъалибвилин Югъ шад гъалара аваз кьейдна

И мукъвара Россиядин халкъари Ватандин Чехи дяведа советрин халкъди къазанмишай Чехи гъалибвилин суварин 78 лагъай йис кьаршиламишна. 9-майдин юкъуз Докъузпара райондани гегъенш сергъятрин шадвилин мярекатар тешкилнавай. Суварин парад, адет хъанвайвал, Усугъчай хуьруьн Гъалибвилин паркуна кьиле фена. Мярекат, мемориалдал цуькверин клунчлар, тажар эцигунилай башламишна. Ахпа тебрикдин гаф гваз райондин Къил Мегъамед Шамилов экъечна рахана: «Райондин гъурметлу агъалияр, мугъманар, фронтдин далу пата зегъмет члугурбур, аскервиле авайбур, за квез риклин сидкъидай Чехи Гъалибвилин суварин 78-йис тамам хъун мубаракзава! Гъалибвилин сувар чи уълкведин кьилин сувар я. Ада чи риклер такабурлувилин, гъиссерив ацлурзава.

Ватандин дамахлу Чехи дяведин йисара фронтда 180 агъзур дагъустанвиди, 3 агъзур докъузпаравиди иштиракна. Абурукай чехи паюни чи хушбахтлу гележег патал чанар кьурбандна. Къе миллетбазвили цийи кьилелай къил хкажнава. Украинада кьиле физвай СВО-да вад докъузпарави хци – Радик Маликовича, Эльшад Заферовича, Азад Сагедовича, Рустам Мегъамедовича, Рустам Теймуровича чпин



жегъил чанар фашизмдин цуьрц битмиш тахъунин мураддалди кьурбандна. Чна абурун вилик къил агъузарна, икрамзава, кьегъалрин къаматар, абурун кьегъалвилер риклера хуьзва. Са декъикадин яс члугун малумарна...

И баркаллу суварин юкъуз за вири районгълийриз риклин сидкъидай мягъкем сагъламвилер, регъимлу крар, дуьньяда ислягъвал алхишзава!», - лагъана Докъузпара райондин Къили. Тебрикдин келимаяр гваз Республика Дагъустандин Къилин помощник Вячеслав Конюк, сергъятрин къуллугъдин Ахцега кардик квай Россиядин ФСБ-дин управленидин погранкъуллугъдин начальник, полковник Алексей Самойлов, военком Рафик Мегъамедов экъечна рахана. СВО-да телеф хъани Радик Нагъметуллаеван буба Малика суварин

мярекатдин иштиракчийриз Чехи гъалибвилин Югъ тебрикна. СВО-дин иштиракчи Шубу Микаилова Чехи Гъалибвилин сувар мярекатдин иштиракчийриз мубаракна. «Душман куклварда-гъалибвал чахъ галаз жеда», - лагъана ада.


Суварин сергъятра образованидин идарайрин аялри, аялрин бахчайрин тербиякарри (воспитанники) чпин къулери, сегънейрин нумраярни къалурна. Погранзавтавадин аскерри чуълдин кухня ачухнавай. Аялри як квай гречка тлуьна, чаяр, компотар хъвана. Ахпа концертдин программа эгечна. РД-дин халкъдин артистка Фаризат Зейналовади, Мегъамед Аликберова, Пьер Айджоди, Надия Микаилова, Роза Латифовади, Жаклина ва Дивади манияр таммарна.

ЧИ МУХБИР

Фронтдин далу пата женг члугурбурал ва дяведин ветеранрин хендедайрал кьил члугуна

Гъалибвилин Югъ-гъар са агъали ва гъар са хизан патал важиблу суварин югъ я. Алай йисуз чи уьлкведи Чехи Гъалибвилин суварин 78 йис кьаршиламишна. И дата кьетлен манадив ацланва, ада чи тарих, чи тлал ава. И суварин сергъятра аваз райондин Кьил Мегъамед Шамилов ва адан заместителар Салигъ Гъажимурадов, Марат Крымов далудихъ ОСМП и Т-дин начальник Имиржан Алискеровни галаз Мискискарин, Каракуьре, Къалажух ва Къуруш хуьрера яшамиш жезвай дяведин далупатан фронтдин ва дяведин ветеранрин хендедайрихъ галаз гуьруьшмиш хъана.

Чи района ахътинбурун гьисаб 13 кас къазва. Мугъманри ветеранриз Чехи гъалибвилин сувар мубаракна, абуруз цуькверин клунчлар




багъишна, абурув продуктрин наборар ва конвертар агакьарна, ветеранриз сагъламвал, руьгдин клубанвал ва вири хъсан ерияр алхишна. Ветеранринни, чпин нубатда, абуруз камаллу уьмуьрдин меслятар, тебрикдин гафар лагъана, чпиз дикъет ва фикир гунай рай администрацидин

кьуллугъчийриз сагърай лагъана. «Ветеранрин вилик чи буржи-дяведин тарих рикел хуьн, акьалтзавай несилдиз ам багъалу ва чешна къачуниз лайихлу тирди чирун я», - лагъана Мегъамед Шаилова.

Шагъбала ШАГЪБАЛАЕВ

«Гъалибвилин Волонтерри» Вирироссиядин «Рикел хуьнин багъ» акцияда иштиракна



Чехи Гъалибвилин суварин вилик «Гъалибвилин волонтерри» Вирироссиядин «Рикел хуьнин багъ» акцияда иштиракна. «Рикел хуьнин багъ»

- акцияди Россиядин халкьарин акьалтзавай несилдин аялри чехи несилдин векилриз тарихдин гъалибвилер рикел хуьнин, Гъалибвализ вафалу

хуьнин ерияр къалурзава.

Акциядин иштиракчийрин жергеда Докъузпара райондин Цийи Каракуьредин СОШ-дин аяларни авай. Абуру виликдай цанвай къелемрин дибериз переряна, ятар гана. Тарар чехи жеда, багъдин виликай фидайбуру чи бубайрин виклеь крар рикел хуьда, чпин уьмуьрдин кьиметдалди Ватандин аслу туширвал хквейи къегьалрин крариз мукьвабур жез, чешне къачувиз, гъар са рекъй алахуьнарни ийида.

ЧИ МУХБИР

Докъузпаравийри – фронтдиз куьмек яз...

Советрин уьлкведин виликан халкьари Ватандин

Чехи дяведин йисара фашистрин Германиядин винел

тарихдин метлеб авай Гъалибвилин



къачурдалай инихъ 78 йис алатзава. Мусибатдин вакъияркъвердавай къулухъ тазва, дяведин вакъияйрикай са хабарни авачир цийи несилар чехи жезва. Амма къиле фенвай дяве неинки кичл кутадайди, гъакл тарс гудайдинни хъана. 1418 юкъузни-йифиздавам хъайи Ватандин Чехи дяве, инсаниятдин тарихда гегъенш сергъятринди ва ивиар экъичайди хъана. Советрин Союзди къати ягъунра вичин эсил-несилдикай 28 миллион рухвар ва рушар квадарна.

Чалахъ ягъан тийидай четинвилер, магърумвилер алудна советрин халкъари, рикле чеб гъахълу тирвилин къаст хвена, гъалибвилехъ еримишна. Гъам фронтда, гъам фронтдин далу пата чандин зур атлудай къуватар ва гъерекатар гатлунна. Гзаф миллетрикай ибарат Дагъустанди фронтдиз цлуд агъзурралди аскерар ракурна. Урус халкъдин векилрихъ галаз санал аварри, даргийри, лезгийри, къумукъри, лаكري, татри ва маса миллетрин векилри хаин душмандин аксина къегъалвилелди женгер тхвана. Къейд авун лазим я, дагъустанвийри немсерин фашистар Моквадин кланик куклварна, Ленинградда, Сталинградда, Кефер патан Кавказда къиле феи ягъунра, абур советрин чилерилай чукурдайла, Рагъэкъечлдай патан Европа азаддайла, гъатта Дальний Востокда японрин къанлу клеретлар куклварай ягъунрани иштиракна, виклегъ ва эркек рухвайри къецепатан къанлури советрин яракъдин

хчивал, хайи Ватандал ашукъвал къалурна.

Ватандин къилел еке хаталувилин къаза атайла Докъузпара райондин хуьрерин агъалийри Ватан хуьнин рекъе чпин сихвал ва битаввал, гъиле яракъ къуна, чпин хайи уьлкве хуьдай къаст авайди къалурна. Пуд агъзурдалай къилихъ докъузпаравийри гуьгъуьллувилелди душмандин ягъунра, адан аксина фронтдиз фена. Къуьзъуь къужайри, ругул жаванри фронтдин далу патан сенгерар мягъкемарна. Дяведин сифте йисуз зегъметкеш докъузпаравийри фронтдиз 700 хипен хъицикъар, 1500 кг. сар, 17 тонни 252 кг. як, 400 кг. ниси, 380 кг. цурурнавай члем, 37 агъзур жуьт бегълеяр, 42 агъзур жуьт гуьлуьтар рекъе туна. Къурушви Агъабег Уружева дяведин шартлара дурум гуз жедай 854 балклан фронтдив агакъарна. Къилди, хер хъанвай аскерриз куьмек яз, чи районгълийри 31 тонн як, 547 кг. члем, 365 кг. ниси ва маса суьрсет рекъе туна. Хейлин докъузпаравийри душмандин аксина хандаклар атлузвай, хуьдай чкаяр эцигдай имаратрал къвалахна. Дагъустандин партиядин обкомдиз ракурарай чарче Докъузпарадин РК ВКП(б)-дин военный отделдин заведиш Давуд Назирметова къейдна, дяведин йисара докъузпаравийри Шамилан тлварунихъ галай колонна туькьуьрун патал-578464 манат, «Дагъустандин жегъил пионер» бронепоезд эцигуниз – 6000 манат, М. Гъажиеван тлварунихъ галай бронепоезд туькьуьруниз –

26 агъзур манатдин пулар Оборонадин фондуниз яна.

А пулдин такъатар къватлунин карда Эрзиман Вердиханован, Намжудин Зульфикъарован, Юсуф Кельбиханован, Зульфикъар Даштиеван алакъунрин лайихлу пай ква. Мискискарин хуьрряй фашистрихъ галаз ягъунриз 330 жегъил экъечлна, дяведин чуьллера 196 аскерди чанар къурбандна. А виклегъ ва жуьретлу рухвайрин арада Мирзяли Агъмедов, Велигъа Гъасанагъаев, Нуьгъбала Нуьгъбалаев, Агъаси Гъасанагъаев ва масабур авай. Дяведин иштиракчийр хъайи Кельбиханов Кельбиханаз Яру гъетрен къве орден ва ругуд медаль ганай. Къегъалвилин ерийралди лишанлу хъайибурун арада Балакшиев Нисредин, Ибрагъимов Гъамид, Исакъов Гъажи, Незиров Нурали ва цлудралди маса къегъалар авай. Къурушвийри Гъафизов Даниялал такабурлу гъиссералди дамахзава.

И виклегъ аскер, дагъви са шумудра немсерин есирда гъатайла, къармахрай катна, Украинадин немсери къунвай территорияда, ада партизанрин гъерекатдик къил кутуна. Саперный батальондин аскердин къве къвачни хкатна. Мересъеван къисметдиз тешпигъ авай уьмуьр хъана. Ам Къурушдал хтанай. Гъа, икл къегъал женгинин чешнеяр ва абур къхейбурун гъерекатар чи риклера гъамишалугъ яз амуькъзава.

Шагъбала ШАГЪБАЛАЕВ

Чехи Гъалибвилин 78 йис

Дагъустанди адаз лувар гана

«И-16» маркадин самолетар сад-муькуьдан гуьгъуьналлаз цавуз къарагъна. Полкунин командир Леонтий Яковенко пилотрин устадвилел рази тир. Лув гайидалай гуьгъуьниз, летчикри командирар зур паюнин гъалкъада къуна.

-Фронтдиз фидай вахт я, гъикъван далу пата жеда, икрагъ хъанва!

-Чун ягънавайбур я. Гъеле финрихъ галаз хъайи дяведа капитан Эмировахъ галаз дяведин мектеб фенва. Къуй

жегъилри чпиз чиррай! Эмировакай риклел хсунри, тлар жедайвал, рикл чуькъвена. Яковенкодиз Валентин хъсандиз чидай. Адаз, муькуьф авай летчикдиз ва командирдиз хъиз къимет гузвай. Исятда



лагбайтла, ам госпиталда авай. Штабдиз атайла, Яковенкодин япарихъ са ни ятлани, адаз эверай ван галукъна.

-Юлдаш комиссар! – Яковенкодиз сес гьасятда чир хъана. Адан вилик жунайралди къил кутлуннавай, гьиле къадай лаш аваз, Эмиров акъвазнава.

- Гьихьтин къисметралди я, вун госпиталда хъана кланзавайди тир, эхир?

-Зун анай катна, кичле хъана, куьне зун галачиз фронтдиз лув гуз.

-Вахъ вуч хъанва, гауптвахтадиз физ кланзавани? – Яковенкодиз къалабулук акатнавай, хьел квай. Валентин ам хьуьтуьлардай къайда чизвай, сифтегъан йис туш къван къуллугъ ийиз?!

-Зи чкадал алайтла, куьнни катдай, - жаваб гана ада.

-Гьун, хъана, - хьуьтуьл хъана комиссар, катнатла, акъваз ая. Жегьилриз цавун дяве тухуз чирда. Зун полкуни командирдихъ галаз рахада...

...Тбилиси – яргъал фронтдин далу упад. Летчикри фронтдиз гьерекатзава, амма приказ гьелени авачир. Эхирни команда агакъна – полк Орджоникидзеда (гилан Владикавказда), кардик кутун. 1942-йисан январдиз эскадрильядин командир Валентин Эмиров тир полкуни фашистрин авиациядин аксина къызгъин женгер тухуз хъана. Абуру бомбардировщикар рекъе твазвай, душмандин истребителар язавай дяведин гьерекатрин сифте йикъара Эмирован гьисабуна тергнавай «Юнкерс» ва «Мессершмитт-109» авай. 1942-йисан мартдиз Кой-Асандин ва Владиславкадин кланик фашистрин къушунди гьужумдайла, Эмировал залан хер хъана, ам Керченский госпиталдиз аватна. Лечикдин къалчах даклунвай, бязи чкайрал

вили-яру лекеяр хъанвай. Газдин гангрена! Врачрин консилиумди тади гьалда къвач атлун гьялнавай. Валентин гзаф яхун хъанвай, гьам члугвазвай.

-Туьд атлун хъсан я, зегьерламиша, чан аламаз кучуд ая, амма къвач тур! - тлалабна ада хирургдивай. – Заз лув гуз кланзава, фашистрихъ галаз киклиз кланзава! Яргъалди сагъар авурдалай гуьгъуьниз къвач къутармишна. Яваш-яваш хер сагъ хъхъана. Къвалах сагъламвилехъ фейила, Валентин, самолетда аваз, Махачкаладиз хкана. Госпиталда авайла, адан къвалав диде-буба, макъва-къилияр, аял члаван дустар къвез хъана. Майдин вацра Валентин къвачел ахкъалтна. Садра къвализ хтайла адаз вичихъ галаз санал къуллугъайдалай хтанвай чар акуна. Риклик гьерекат акатна, тлали басрух гана. Сагъ тахъанмаз мизамдиз хъфидайвал хъана. Фронтдин далу пата ацукъун-дяведин летчикдин хаинвал яз гьисабна ада. Закавказьедин ВВС-дин Штаб Тбилисида кардик квай. Махачкъаладин вокзалдила члугуна, гъаниз фена. Эмирован бахтунни гъана. Гъвадин армиядин комиссар адан яшдиз члехи юлдаш Леонтий Яковенко яз хъана. Гуьруьшмиш хъунал къведни шад тир.

-Кард, вуч къецивалзава? – рахана Яковенко, яхун хъанвай Валентиназ килигиз. Ваз мадни ял ягъун герек я жеди. Клан яни ял ягъиз физ, Гъан?

-Ваъ, анжах фронтдиз, вуж клан ятлани яз хьурай, лап жергедин летчик язни. Ахьтин жаваб гудайдал Яковенко шаклу хъанач. Саналди кабинетдиз гьахъна. Сейфда къекъвена, са гьихьтин ятлани чар акъудна, ам Эмировав вугана. Ана кхъенвай: «капитан Эмировав В.А. и чар гваз хъуналди, Евлах шегьерда хьун теклифзава. Ана 926-истребительно-авиационный полкуни командирдин везифаяр къиле тухуз эгечлна». ВВС-дин

фронтдин командующидин ва комиссардин къулар. Полкуни комиссарвиле Эмирован женгерин дуст Афанасий Иванов тайинарнавай. Саналди шадвал ва хажалат пайиз хъайи дуст.

Душман Дагъустандиз мукъва жезвай. Грозненский нафтлар кузвай. Кавказдин къенез гьахъиз рехъ тагайбурукай садни 926-истребительный авиаполкуни летчикар, «Эмировчияр» хъанай. 1942-йисан 26-августдиз грозный шегьерда Кеферпатан Кавказдин халкъарин иштиракчивал авай фашистрин аксина митинг тухун пландик квай. Адан председателвал Валентин Эмирова авуна.

Митингдиз ам члугуна, гъвадин дяведилай гуьгъуьниз атанвай. Къейдна кланда, душмандин самолетни яна гадарнавай. Баркаллу летчикдин рахунри иштиракчийрин фагъум вири чпелди желбнавай. Эмирова жегьил дагъустанвийриз лагъана, абурун жергейра чеченар, ингушар, осетинарни авай: «Эгер вуна фашистар дагълариз гьахъдайвал авуртла, вун аскер туш! На адав жуван къвал тарашиз гайитла, диде-буба рекъиз гайитла, уьмуьрдин юлдашдин намусдик хуькуьриз туртла, вун кавказви туш! Эгер на чи инсанрилай къисас хкъун тавуртла, фашистар терг тавуртла, вун къегьал хва туш. Душман къейи кавказвидиз баркалла!» Митингдал хъайи рахунар Ватандиз гайи къин хъиз, адаз вафалу хъунин буржи хъиз, къабул хъана. Сифте яз а къин гунал къул члугурдинни Валентин Эмиров яз хъанай.

Эхиримжи женг

Зулун чимел гъава акъвазнавай. Валентинан гьаларни хъсан тушир. Мекъи хъанвай. Военврачди адаз чилин къазмадай экъечлдай ихтияр къадагъа авунвай, дарманар гузвай. Дяведин вилик комиссарди митинг



тухун фикирда ва адаз гьасятда тарцихь агалтнавай Валентин акуна Ивановаз чизвай ам азарлу я, ада айгьам квай тегьерда кьил юзурна. Эмирова кваз кьазвачир. Митингдилай гуьгьуьниз Валентина вичин эскадрилья кьунши полкунин бомбардировщикар рекье тваз гьерекатдик кутуна. Кьизгьин ягьунар кьиле фена. Душманди кьунвай чкайрал ажалдин пар гадарна, бомбардировщикар чпин базадихь хквезвай. Гьа и вахтунда садлагьана, винидай атай кьузгьунри хьиз, « М е с с е р ш м и т т р и » тепилмишвална. Эмирова б душмандин истребительрихь галаз ягьунар тухузвай. Сад лагьай гьужумда ада душмандин са самлетдай «гум акьудна», ам чилихьди фена. Гьа икл, кьвед лагьайдинни.

-Икл вуч хьана? Валентинан самолет кьарсур хьана, адакай гумадин тил хкечна.

-Янава, кузва, - фикирди кьуна ам. Цавун улакь кьутармишна кланда. Валентина и легьзейра вичин дяведин улакь хуьникай фикирзавай. Садра ада вичин самолет кьутармишни кьувунвай. Ам финрихь галаз хьайи ягьунра кьиле фейи кар тир. Ингье, ам и тегьерда кьиле фена: дяве кьиле фидайла, Эмирован самолетди цай кьунай. И гагда улакь кьутармишунин лап хьсан жуьре, цай хкудунин рекьай ада самолет аршдиз члугун яз гьисабна, яни пикирование авун. Канвай гьилер, кьвачер, чин гваз ам вич-вичел аламачир гьалда аваз, чпин аэродромдал ацукь хьувуна. И кьегьалвилай летчикдиз Боевой КрасныйЗнамядин орден гана.

Цай кьунвай самолет чилий галчлур жез физвай. Гуьзетиз акьвазнавайбуру командирдивай самолет гадарун тлалабзава. Валентина кваз кьазвач Самолетдин кьимет еке такьатринди я. Ада аваз мадни душманар терг ийиз жеда. Улакь кьутармишна кланда. Чил мад ва мад мукьва жезва, ам гьил кьагьиз жедай дережада ава. Хкадардай вахт я, чин ва гьилер ялавди кузва, парашют михьиз ачух жез агакьнавач. Валентин чилел гьалч жезва, вичиз клани тир ва вичи хвейи.

...Эмироврин хизандин библиотекада вич са а кьадар еке тушир ктаб хуьзва. Ам баркаллу Дагьустандин хикай, авиациядин полкунин командир, Советрин Союздин Игит Валентин Аллагьарович Эмирован уьмуьрдиз ва женгинин кьегьалвилериз талукьарнавайди я. Ам летчик кьейидалай гуьгьуьниз, 1942-йисан октябрдиз чапнава. Ам командиррин, женгерин юлдашрин рикел хкунрикай ибарат я. Ктабдин твар «Лувар квай пагьливан» я. 1942-йисан 1-сентябрдин «Дивизионная газетада» (летчик рекьидалди 10 югь амаз) передовица (кьилин макьала) «Эмиров хьтинбур жен» чапнавай. Веки цавун ягьунра Валентиннал гзаф хирер хьанай. Адан беден вири цвалар ва хирер тир. Анжах тек са эхиримжи ягьунра ада душмандин пуд самолет яна гадарнай. «Гьавадин пагьливанар! Ягьай фашистрин самолетрин кьадарар артух ая. Гитлеран кьузгьунрикай цав михь хьувуна кланда. Абурув чи чилел ажал цаз туна кландач». В. Эмирован дяведин рекьемда кьве вишелей виниз дяведин лув

гунар ава, цудралди гьавада кьиле фейи цавун дявеяр, вишералди терг авур гитлерчийрин чанар. Са вичи ягьай самолетар – кьве «Мессершмитт, «Юнкерс», «Фокке-Вольф» ва «Хенкель-113». Батальондин комиссар Иванов: «1942-йисан 23-августдиз Валентин вад мессершмиттдихь» галаз гьавадин ягьунриз экьечна. Абурукай сад яна, амайбур чи бомбардировщикрал ахьайнач. Са шумуд йикьалай ада устадивелди ирид «Макки-20» истребительрихь галаз женг тухузва, абурукай сад язава, амайбур чи бомбардировщикрал ахьайзавач. Августдин эхирра, самолетрин десте рекье твадайла, Эмирова душмандин самолет-разведчик «Рома» кьатлана, гьужумна амни яна гадарна. 1942-йисан 10-сентябрдиз В. Эсирова эхиримжи сефер яз ругуд фашистрин истребительрихь галаз женг тухудайвал хьана. Садак цай акудна, кьвед лагьайдайни гум» акьудна. Эмирова советрин цав немсерин цларахрикай хвена, залан хирер хьуникди, вични телеф хьана. Ам Ингушетиядин са хуьруьн сура гьуьрметар алаз кучудна. 1942-йисан 13-декабрдиз СССР-дин Верховный Советдин Президиумдин указдалди Валентин Аллагьарович Эмирова Советрин Союздин Игит лагьай дережалу твар гана. Ам 26 йисан яшда аваз телеф хьана. Несилрин рикел хуьн (память) кьугьне жедач. Кьегьал хва Валентин Эмиров чи риклера сагь я.

Шагьбала ШАГЬБАЛАЕВ

«Бахча» - аялрин бахчадин аялри ветерандин хендедадал кьил члугуна

Чехи Гьалибвлин 78 лагьай йисан суварин вилик Докьузпара райондин

тешкилатрин ва идарайрин кьуллугьчийри, адет хьанвайвал, дяведин иштиракчийрин

хизанрал кьил члугвазва, абурун яшайишдин шартлар чирзава, игьтияж



авайбуруз куьмекарни гузва. «Ветерандиз – гуьл» акциядин сергыятра аваз, Миграгь-кьазмайррин аялрин бахчадин аялар Кьалажухрин хуьрай тир Атамоврин хизандиз мугьман

хьана. Ана абур рагьметлу ветерандин хендеда Эмина Баласиевнади хь алаз гуьруьшмиш хьана. Вичин нубатда, яшлу дишегьлиди аялриз Межид Салигьовичан

женгинин лайихлувилерикай, ам феи дяведин рекьин чинрикай суьгьбетар авуна.

ЧИ МУХБИР

Туриствилин сезон ачух хьунин мярекатда иштиракна

И мукьвара Дербент шегьердин мэр Рустамбек Пирмегьямедован теклифдалди Докьузпара районди цийи туриствилин сезон ачух хьунин мярекатра иштиракна. Кьиле феи мярекатра жегьилрин сиясатдай, туризмдай ва спортдин отделдин, КДЦ-дин работникри ва Докьузпара райондин хуьрерин кьилери иштиракна. И мярекатдин сергыятра цийи хьувунвай кьадим шегьердин юкьван майдандал Кьиблепатан Дагьустандин районрин майданар ачухна.

Докьузпара районди вичин меденият, адетар,



сеняткарвилер, милли хуьрекар, абурун суй кьалурзавай гьаятар ачухнавай. Шегьердин агьалийриз ва мугьманриз чи гьаят бегенмиш хьанвай. Чна

мугьманар лезги хуьрекралди, ва самовардин чайдалди кьаршиламишна.

ЧИ МУХБИР

Уважаемые граждане!

В связи с участвовавшими в последнее время случаями дистанционного мошенничества, потерпевшими в которых являются жители нашего района, следственная группа МО МВД России "Ахтынский" настоятельно рекомендует придерживаться следующих правил и ограничений при проведении сделок в сети "Интернет", расчетов по банковской карте, приобретении различных товаров в интернет-магазинах и в других случаях, с целью обеспечения сохранности ваших денежных средств и иного имущества.

1. Не приобретайте различные товары в интернет-магазинах, в добросовестности которых возникают сомнения. Сомнения должны возникнуть по целому ряду причин:

-старайтесь избегать сайтов с доменными обозначениями иностранных государств (.ua, .kz и т.д.);

-обратите внимание на дату создания сайта (мошеннические сайты создаются на короткий промежуток времени и удаляются) -название сайта (маскируются под известные бренды и фирмы, но при этом в названии специально допущены ошибки).

Самым простым способом уберечь себя от мошенников является просмотр отзывов на сайт, причем не на том сайте, где вы хотите приобрести товар, а на специальных.

2. Никому не сообщайте номер своей карты, пароль от кредитной карты, а также код безопасности (трехзначное число на оборотной стороне карты). В случае, если

вам звонят представляясь сотрудником банка (оператором, сотрудником отдела безопасности банка и т.д.) и под любыми предлогами просят сообщить пароль, код безопасности и т.д., то ни в коем случае не сообщайте нужную им информацию, так как вам скорее всего звонит мошенник. Сотрудники вашего банка никогда вам не позвонят и не будут спрашивать подобную информацию.

3. Особую настороженность проявляйте на интернет сайте для размещения объявлений avito.ru, в случае если приобретаете товар не встречаясь с продавцом, а уж тем более, если продавец находится в другом регионе и оплата производится дистанционно. ➔
Множество жителей

Ахтынского района попались на уловки мошенников, размещающих объявления на этом интернет-сайте. Ни в коем случае не переводите деньги наперед не убедившись в добросовестности продавца. Если продавец отправляет вам фотографию своего паспорта, далеко не факт, что данный паспорт принадлежит ему и вообще, что данный паспорт настоящий (подобные случаи также отмечены в Ахтынском районе). Свяжитесь с продавцом посредством видеосвязи и убедитесь на паспорте находится его фотография, сделайте скриншот экрана телефона в момент видеоразговора. Даже при соблюдении этих предосторожностей, знайте, что ваша сделка ничем не обеспечена и перевод денежных средств на счёт продавца не всегда гарантирует вам получение товара. При всем, этом ты действуете на свой страх и риск.

4. Не оформляйте договоры кредита на интернет-сайтах сомнительного происхождения и не оставляйте свои личные данные на подобных сайтах. Этим умело пользуются мошенники и разводят граждан на деньги. При звонках с подобных сайтах представляются сотрудниками банка и под различными предложениями (оплата страховки, оплата оформления документов

и т.д.) вводят в заблуждение в целях завладения вашими средствами. И конечно же, никакой кредит вам в конечном счёте вам не выдадут. Вышеуказанные рекомендации немногочисленны, но охватывают широкий круг вопросов и представлены вам для информирования в целях профилактики случаев мошенничества. По каждому перечисленному выше случаю есть один, а то и несколько потерпевших с нашего с вами района. Причем это не пожилые люди, к которым легко войти в доверие или иные категории граждан, отличающихся высокой виктимностью, а граждане средних лет, которые должны быть хорошо информированы о подобных способах мошенничества. Расследование подобных дел представляет собой крайнюю сложность в связи с тем, что мошенники находятся в других регионах России, а зачастую зарубежом, используют подложные документы, незарегистрированные ("левые") номера телефонов, скрываются под чужими данными, используют банковские счета, зарегистрированные на ничего не подозревающих граждан. Просим вас следовать представленным рекомендациям для того, чтобы не стать жертвами мошенников.

Докъузпара райондин образованидин управленидин коллективди ведущий специалист Османов Осман Велиметович рагъметдиз финихъ галаз алакъалу яз, адан хизандиз, мукъва-къилийриз ва багърийриз дериндай хажалат члугунивди, башсагълугъвал гузва.

Утерянный аттестат среднем (полном) общем образовании за №268115 выданный Курушской СОШ в 1994 учебном году на имя Велибекова Эльдера Мусаевича считать недействительным.

«ГОЛОС ЭРЕНЛАРА»

2001-йисан
ноябрдилай акъатзава

Тешиклайди:
Докъузпара райондин
администрация,
Дагъустан Республика

Учредитель:
Администрация Докъузпаринского
района, Республика Дагестан

Къилин редактор:
В.С. АГЪАМУРАДОВ

Хусуи корреспондентар:
Ц.Н. ШАГЪЭМИРОВА
Ш.О. ШАГЪБАЛАЕВ

Корректор:
Ш.О. ШАГЪБАЛАЕВ

Верстка ийизвайди:
Н.Н. БЕЙТУЕВ

Газетдин индексар:
Зур йисан кыммет - 345 м.
Йисан кыммет - 690 м.

Чандиз вахкай вахт: 13:00
Чапзавай вахт: 14:30

Тираж 480

Редакциядинни макъалайрин авторрин фикирар сад тахъун мумкин я. Макъалайрин дегишрин дувъиллин паттахъай жаваб авторри чни гуда. Макъалайриз рецензия гузвач ва абур элкъвена вахкузвач. Мадни, чпин макъалайра дегишвилер тунал, къилер дегишарунал рази тушир мухбиривай чна абур редакциядиз ракъур тавун тIалабзава.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан

Регистрационный
номер ПИ №ТУ5 - 00256
от 14 июня 2013 г.

Редакциядин,
издательстводин ва
типографиядин адрес:

368750, Докъузпара
район, Усугъчай хуър,
тел.+7 (8722) 55-14-61
e-mail:
golos-erenlara@mail.ru
Чи сайт: www.erenlar.ru